

Advokat Mirna Delalić
Kralja Tvrtka 1, br. 1
75 000 Tuzla
tel/fax: 035 / 262 – 133
mob.: 061 / 878 – 657
e-mail: mirna.delalic@advokat-delalic.ba

Depo.ba
Ul. Kemala Kapetanovića br. 17
71 000 Sarajevo

Tuzla, 18.09.2020. godine

PREDMET: Demanti

Poštovani,

Obraćam Vam se kao punomoćnik g. Husić Fadila iz G. Rainaca, Kalesija i društva „Spectrum Vision“ d.o.o. Kalesija, a koje punomoći Vam dostavljamo u prilogu. Cijeneći odredbe Zakona o zaštiti od klevete FBiH, Kodeksa za štampu i online medije BiH i druge relevantne propise, u ime svojih klijenata, zahtijevamo objavu demantija na naslov članka: *„ŠOKANTAN ODGOVOR SUADA BEŠLIĆA NAČELNIKU KALESIJE 'Ima!' mene tu! Kako me je Sead Džafić reketao i pokušao kupiti za milion maraka?!“*, koji je objavljen na www.depo.ba dana 12.09.2020. godine u 20:34 sati. Zahtijevamo i da ovaj demanti bude objavljen bez promjena i dopuna, na isti ili istovjetan način u internetskom izdanju, kako je portal depo.ba objavio i gore navedeni članak.

Naglašavamo da se ovaj demantij upućuje u ime g. Husić Fadila i društva „Spectrum Vision“ d.o.o. Kalesija s obzirom da su u predmetnom članku izneseni netačni navodi kojim se nanosi šteta g. Husić Fadilu, ali i ugledu „Spectrum Vision“ d.o.o. Kalesija.

Naime, u navedenom članku se navodi niz netačnih navoda poput toga da je g. Sead Džafić razgovarao sa g. Hausamannom, te radi toga boravio u Minhenu, kome je navodno nudio poslovnu saradnju, a nakon čega se navodi da je navodni sastanak u Minhenu organizovao direktor i vlasnik firme „Spectrum Vision“ d.o.o. Kalesija. Pored toga, neistiniti su i navodi da je firma „Spectrum Vision“ d.o.o. Kalesija i g. Fadil Husić kao zakonski zastupnik iste iznosio g. Seadu Džafiću podatke o stanju novca, materijala i sve druge informacije iz firme „Sućo“ d.o.o. Živinice.

Navedeni dio teksta predstavlja izražavanje koje sadrži obilježja klevete shodno odredbama člana 4. tačka d) Zakona o zaštiti od klevete FBiH, zbog čega se g. Husić Fadilu i društvu „Spectrum Vision“ d.o.o. Kalesija nanosi šteta s obzirom da g. Husić Fadil uopće nije organizovao navodni sastanak u Minhenu niti je firma „Spectrum Vision“ d.o.o. Kalesija i g. Fadil Husić kao zakonski zastupnik iste iznosio g. Seadu Džafiću podatke o stanju novca, materijala i sve druge informacije iz firme „Sućo“ d.o.o. Živinice.

Neistine kakve su iznesene u navedenom članku direktno utiču na ugled i čast g. Husić Fadila radi čega isti trpi duševnu bol i materijalnu štetu, ali i ugled firme „Spectrum Vision“ d.o.o.

Kalesija s obzirom da se radi o firmi koja u svom poslovanju primjenjuje najviše standarde zaštite i povjerljivosti podataka svojih klijenata.

S tim u vezi podsjećamo da je članom 5. Kodeksa za štampu i online medije BiH propisano da novinari imaju profesionalnu obavezu blagovremeno ispraviti bilo koju objavljenu informaciju za koju se utvrdi da je netačna. Pored toga Vas pozivamo i da poštujete sva načela u smislu odredbi člana 5., člana 6. i člana 8. Kodeksa za štampu i online medije BiH.

Zahtijevamo da ovaj demanti objavite u cjelosti, bez korekcija i da objavite izvinjenje zbog nanošenja štete.

S poštovanjem,

ADVOKAT
Mirza Rafi Mirza Delalić
Mirza Rafi Mirza Delalić
Ul. Krajja Tvrtka i br. 1, Tuzla

Prilog kao u tekstu.